

# Sunngiffimmi ilinniartitsinermi peqataanermut akiliuteqartitsisarneq pillugu Namminersornerullutik Oqartussat nalunaarutaat

Sunngiffimmi sammisassaqaartitsineq pillugu Inatsisartut peqqussutaat nr. 5, 9. april 1992-imeersoq, § 16, imm. 2, naapertorlugu aalangersarneqarput:

**§ 1.** Kommunini oqartussat sunngiffimmi ilinniartitsinermi peqataanermut akiliuteqartitsisassapput ilinniaqatigiikkuutaartuni peqataasumut ataatsimut 100,00 kr,-ninik, taamaartorli takuuk § 2.

*Imm. 2.* Akiliutissaq akilerneqassaaq ilinniaqatigiittussanut peqataajumalluni nalunaarnermi.

*Imm. 3.* Akiliut utertinneqassaaq ilinniaqatigiittussanik pilersitsisoqanngippat.

*Imm. 4.* Aamma ilinniaqatigiit pilersinneqarnermik kingorna sapaatip akunnerisa sisamat qaangiutinnginneranni

atorunnaarsinneqartariaqarsimappata akiliut utertinneqarsinnaavoq peqataasunut ilinniartitsinermi malinnaasimasuinnarnut.

**§ 2.** § 1-imi aalajangersagaq atorneqassanngilaq:

1) oqalugiarnermut, ilinniartitsissutini ataasiakkaani ilinniartitsinermut, aamma immikkut ittumik atuartitsinermut peqataanermi, takuuk Sunngiffimmi sammisassaqaartitsineq pillugu Inatsisartut peqqussutaanni §§8, 9, aamma 12, kiisalu

2) meeqqanut inuusuttunullu 20-t inorlugit ukiulinnut, takuuk Meeqqaat atuarfiat pillugu Inatsisartut peqqussutaanni § 4, imm. 1.

**§ 3.** Nalunaarut atuutilissaaq 1. august 1994.

*Stk. 2.* Tamatumunnga peqatigitillugu sunngiffimmi ilinniartitsinermi peqataanermut akiliuteqartitsisarneq pillugu Namminersornerullutik Oqartussat nalunaarutaat nr. 22, 5. august 1992-imeersoq atorunnaarsinneqarpoq.

*Namminersornerullutik Oqartussat, ulloq 27.juni 1994*

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut